

Aningaasaqarnermut Ataatsimiititaliap suliaq nr. 01.31.06/08-00385 pillugu arfininngornermi ulloq 13. december 2008-mi aalajangiinera pillugu Naalakkersuisunut ilisimatitsineq

(Naalakkersuisut ulloq 8. december 2008-mi ataatsimiinneranni imm. 2e)

Kontomi pingaarnermi 80.00.00 Sanaartugassanut sillimmatit immikkoortitigaanngitsut, aningaasaliissutit Uummannami Aalisarnermut Piniarnermullu Ilinniartimmut aamma Nuummi GU-mut tunngasut sinnerisa atugassanngortinneqarnissaat

Naalakkersuisut **inassutigaa**,

kontomi pingaarnermi 80.00.00-imi, Sanaartugassanut sillimmatinut immikkoortitigaanngitsunut tunngasumi 2008-mi Uummannami Aalisarnermut Piniarnermullu Ilinniartimmut aningaasaliissutit 6.500.000 koruunik ikilisinneqassasut

kontomi pingaarnermi 80.00.00-imi, Sanaartugassanut sillimmatinut immikkoortitigaanngitsunut tunngasumi, 2008-mi Nuummi GU-p allineqarnissaanut imm. 2-mut aningaasaliissutit 5.000.000 koruunik ikilisinneqassasut

kontomi pingaarnermi 84.40.09-mi, Inuussutissarsiutinut ilinniartitaanermut tunngasumi suliasamat nr. 150.51.015-imut, Aalisarnermut Piniarnermullu Ilinniartimmut, Uummannaq, tunngasumi aningaasaliissutit 6.500.000 koruunik amerlineqassasut

- kontomi pingaarnermi 84.40.12-imi, Ilinniartit illutaannut, suliasamat nr. 060.52.043-imut, Nuummi GU-p illutaanik alliliinermut, imm. 2, tunngasumi aningaasaliissutit 5.000.000 koruunik amerlineqassasut.

Aningaasaqarnermut Ataatsimiititaliap oqaaseqaatai

Missingersuusiata C-t aallaavigalugit aningaasanik atugassaqaarnissamat qinnuteqartoqarmat Ataatsimiititaliamit maluginiarneqarpoq. Siusinnerusukkat missingersuusiata C-t aallaavigalugit aningaasaliissutinik atugassiisarnert annertuumik missingersuutinik qaangiisarnernik kinguneqartarnikuupput. Taama siusitsigisukkat sanaartugassatut pilersaarummik aallartits inissamik akuersinikkut sanaartugassanut pineqartunut annertuumik aningaasaliissutinik qaffaanissamat piumasaqaatinik itigartikkuminaatsunik nunatta karsia kingusinnerusukkat ilimagisaqarsinnaavoq, taamaaliornermi sanaartorneq naatsorsuutigisatut ingerlanneqanngippat aningaasaliissutaareersut annaaneqarsinnaanerannik Naalakkersuisut oqarsinnaassammata. Tamannarpiaq pissutigalugu missingersuusiata C-nik Namminersornerullutik Oqartussat ataatsimut isigalugu aallaaveqartarunnaarnikuupput.

Naalakkersuisoqarfik akisussaasoq (Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik sanaartugassanut suliniutit pillugit 2009-mianingaasanut inatsisip akuerineqannginnerani missingersuusianik B-nik saqqummiussisimanninnermigut siumut pisariaqartumik qulakkeerisimanninnera naleqqutinngilluinnartutut oqaatigisariaqarpoq. Saqqumiussissummitaaq erseqqissaatigineqarpoq 2008-mi aningaasat qinnuteqaataasut ilai amerlasuut atorineqarnissaat angumerineqarsinnaanaviangitsoq. Tamatumunnga atatillugu eqqaasariaqarpoq AIS09-p, AIS08-p, AIS07-p, AIS06-p, AIS05-p aamma AIS04-p aappassaaneerineqarnissaanut isumaliutissiissutit suliarineqarnerannut atatillugu kaammattuut una (assingusulluunniit) Aningaasaqarnermut ataatsimiititaliamit saqqummiunneqarmata:

Kaammattuut nr. 7

Aningaasat Sanaartugassanut Iluarsagassanullu Aningaasaateqarfimmi atorineqaratik uninngaannartussaasut ilisimagaluarlugu aningaasanik akuersissutiginnittoqartaqqunagu sanaartugassanut aningaasaliissutinik atuinissamik **piviusorsioortumik** missingersuusioortarnissamik qulakkeerininniarnerninnik Naalakkersuisut ingerlatsiinnarnissaat Aningaasaqarnermut Ataatsimiititaliamit **kaammattuutigineqarpoq**.

Ajoraluartumilli suliaq uuma uppernarsarpaa sanaartugassanut aningaasaliissutinut piviusorsioortumik tunngaveqarluni missingersuusioortoqartanninnera! **Piviusorsioortumik**

tunngaveqarluni missingersuusiortoqartartuuppat soorunami Naalakkersuisut aningaasaateqarfimmut aningaasanik immikkoortitassanik qinnuteqartariaqassanngikkaluarput, aningaasanummi inatsisip suliarineqarnerani suliniummi aningaasaliissutiviusussatut pisariaqartut ukiuni missingersuusiorfiusuni ataasiakkaani tamani naatsorsuutigineqartut qulakkeereerneqarsimassammata. Ukiunut missingersuusiorfiusunut ataasiakkaanut suliniummi tunngavigisaq ilisimaneqarsimangippat, taava Naalakkersuisut taarsiullugu sanaartugassaqartitsivimmi ilimagisatut aningaasat pisariaqartut kontomut sillimmavimmut illuartittarsimassagaluarpai.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua